



遺民詩卷第十一

寶香山人 卓爾堪 子任選輯

許承欽

欽哉漱雪湖廣漢陽人
詩意

夏仲自正覺寺遊佛峪遂登龍洞山絕

頂六首

靈區引逸興前期召烟侶申旦鶩輕騎勝游輕
繁暑雨餘亂峰青良風振禾黍連岡散山農越
陌來溪女揮鋤土膏發攜筐風袂舉遠樹噪蜩
蟬隔林聞機杼知有上皇人松扉渺何許感此
懷卧龍燈火夜深語



行行越前隴驛驛度川梁鵲華紆左顧徑轉晴
嵐蒼雲深鳥語寂巖迥藤絲長榛烟翳復吐荆
花艷且香亂石啣馬蹄迴磴紛鹿場高槐蔭甘
井始識龍洞莊童稚迭窺笑雞犬亦徬徨前山
橫斷靄古洞指朝陽
穿榛盤地軸礧戶愈蒙密粼粼九曲溝黝黝玄
龜石栢嶺接連峰佛峪覆禪宅東厓說法臺雲
光此布席右撫清涼頂左跨象山脊當年振靈
音峰首皆前擲尚留楞伽疏微言照今昔至今
般若泉倒射龍灣碧

亭午陟禹登

龍洞亦名禹登山

磴道入虛空奧區元精合

萬古青濛濛中竅悶靈景春至孤雲通鐵壁散
蒸烟繚繞圍鮫宮龍神氣鬱勃勢欲呼雷風步
屨踐莓苔返景參差紅翠屏旣罨靄三秀何玲
瓏迴望懸珠泉泠泠縹緲中

羣躋幽壑巔捫蘿遵仄徑洞口陰風生毛髮寒
欲凝賈勇隨炬入目光搖靡定仰窺旋螺頂海
濤氣盤亘蜿蜒穿西窟龍佛森猶瑩衣珠絡橫
紋波浪浮花勝當戶古先生鬼工迄未竟懸乳
落涼衫蝙蝠飛成陣

洞外削青壁縛柴立天梯斜戶通崖頂蔓穴無
端倪鱗爪潛張翕歛若攫虹蜺黃綠杳冥上始
覺萬象低緬昔鴻濛初夏后曾攀躋碑碣蝕苔
蘚靈蹟荒烟迷碧潭埋地底陰壑風淒淒俯視
蜉蝣島嗟哉真醯雞

分水嶺

驅車石雄里連空橫嵐壁窈窕上孤烟磴危徑
屢折試劍一拳蹲當關匹馬窄中有暗浪喧雷
霆行履烏東徙閩溪青西鶩豫章白合杳杳靄
間自古南條脊地軸起波瀾天樞限蠻貊挾巖

千盤轉捲幔衆壑積亭扶盤古松巖綴藻光宅
靈雲怪霧來岩岩蕩肘腋仰視已墨沉俯瞰乃
紺碧寒猿時叫影哀響苔山澤奇峭逼人懷語
笑為凍咽歎息奧區尊鬼斧勞開闢手不摘星
辰寧知天咫尺

茶洋

放溜日亭午倜儻入虎窟齧牙方起人捷軀已
超越峽角轉漉渦前聞恣叱咄立魅嘯罡風萬
乘霆車發箭激下頽淵蒼雲屢興沒元氣覆鴻
濛鉅靈起唐突老蟪不敢蟠鼓怒招倏忽跳沫

積昏晦千里縮溟渤旁崖草木偃危磴猿猴訥
晝夜見雌雷擊碎橫飛宇巨險役驚魂舵轉失
山骨箕踞愛石兄翔舞來倉卒聯絡送浮家嵌
空侍嵩萃恨不携米顛中流具袍笏

蒼峽

迴峰如陣雲散亂飛我傍化爲萬頃雪堆起英
靈岡玉花不肯結散與波臣鄉錯磨林央骨橫
據魚龍房耳角此交峙筋絡皆怒張蓄怒待來
楫攢簇千鋒鋌我舟拂其肘我僕呼隄防一身
乃百心面目皆蒼黃前茅出絕技間道趨陳倉

久解撥鐙法驚帆先翱翔注壑捷走坂矯若乘
驪驪天風夾兩翼浩浩凌大荒羽化生水底何
必求仙方寄語謝自然早歸同徜徉

石竺山

層陵起珂雪離石聳欲落上隱波濤痕旁銜蛤
蜊殼坐想洪荒初神禹未開鑿汎濫沒巖阿雲
巢棲海若靈區與世疎真仙此盤礴洞壑赴曲
蛇壁影留孤鶴冉冉紅霧來花姑鬪大藥丹光
繞突奧琴心殷寥廓犢子何時回極望但高閣
危棧壓寒空老樹疑相搏身交七覺中迴溪赴

行脚幽衷入良辰形神雙寂寞自愧道因循無
救時衰薄惟應負笈簪逍遙候銀角

呂梁洪

洪長七里其境卽古雍門有懸水村

往讀莊生離石篇呂梁懸水三十仞鼉鼉魚鼈
不得上彷彿牛羊登峻嶺宋公曾此會衣冠礪
礪甲卒凌秋隼襟喉虎踞劍鋒張泗上諸侯盡
蛙黽復聞飛輓越長津兩岸槎牙橫鐵綆進寸
退尺百夫爭失勢存亡寄俄頃我行遙眺古雍
門蕭條故里但荒村怪石稜稜河腹怒別風颯
颯山容昏石華朱英寒霧湧瑤蕤翠葆哀壑奔

哮吼喧厖方七里是中真有蛟螭蹲當時漕粟
罹湍悍孟門砥柱那可論鑿石甃岸敵崩啣洪
崖繚繞蒼山根至今河伯怒未已望洋擊楫愁
攀援乃知天工存地險千里一曲當藩垣安得
鑿空問博望更從星宿探崑崙

過李家口

觸熱懷前路車塵復此都棗香來野徑麥秀滿
平蕪古道晴驅馬荒村晝聽烏千秋爭戰地斟
酌戍樓孤

次南陽

南陽湖水涸運道阻黃河夾岸飛塵遠沿村策
蹇多空陂生荇藻沛澤徙龜鼃不意三川事吾
生屢見過

過蔣家河

河橋流水急躍馬度前村十里禽交語千行樹
繞門虛簷垂棗栗大澤散雞豚應有幽人在心
期擬細論

繡嶺

繡嶺俯離宮蒼蒼一徑通雲生虛壁下僧語半
天中漢瓦蹲仙鹿唐碑抱古桐崖邊橫積翠尚

帶美人虹

雪後遊華嶽至娑羅坪

雪徑石稜稜蓮峰着屐登傾崖懸素筋瀑水啗
枯藤霧隱公超市天迷玉井冰凍雲封谷口意
氣獨飛騰

晴川閣眺望

大別山頭水滔滔日夜流三湘連粵徼九派下
吳洲霧失桃花廟雲歸黃鶴樓古今餘感慨塵
戰憶曹劉

上虞山絕頂清風亭

振衣臨倒影飛步望滄溟蜃市玄雲合鮫人古
霧腥怒濤驅地軸陰火亂天星惟有蜉蝣島蒸
烟不斷青

琉璃河

琉璃河上水嗚咽帶龍沙隴灌垂芒黍畦滋抱
蔓瓜狀流摧古墓烽埃斷漁家磨洗前朝事蒼
茫望翠華

白溝河

遼宋曾戎馬風烟十六州河聲寒組練朔氣老
擅裘斷餉憂英主催軍失故侯良平持廟筭誰

定割鴻溝

德州渡浮梁

古驛紆山左長川抱海西土風兼漢魏河勢割
燕齊鹿角關前樹平原嶺外雞轉漕疲萬里雨
雪看輪蹄

界河驛

瀾澤津梁遠鳧山霧靄升河聲吞鉅野地勢抱
蘭陵檉柳蓬科轉桃花水利興比來萑苻盛控
制累鄒滕

南沙河

逕轉沙河出懸車斷岸間亂流嘶渡馬飛蓋過
前山野店雞聲苦深林獵騎還回看嗚咽水迢
遞尚潺湲

宿遷縣登舟喜風

小驛開冥漲虛舟泛太空祭神方打鼓放溜卽
推篷危坐官艙外高吟濁浪中身偕飛鳥渡疑
在五雲東

弘濟寺觀音閣

紺宇臨虛壁滄波入遠天江聲朝古佛閣勢接
飛仙鏡吹憑欄外餘艤鼓櫂前蘆花紛鷺羽故

故舞寒烟

雨霽出涉邑南關眺望

沙陽雨過四山青萬壑雲烟盪杳冥禾黍苗生
眠鹿砦波濤聲撼畫烏亭太行草木孤村擁遼
水魚龍大澤腥徙倚津干迷野望自憐身世似
飄萍

錢塘江觀潮

驚濤直上海門西欲捲青冥裂會稽銀漢倒流
烏鵲迥雪山飛壓鳳凰低靈旗百萬驅雷鼓彊
弩三千試水犀霸氣至今消不盡素車白馬駕

虹蜺

上望海亭

在卧龍山巔
今僅存其址

蠟屐岩堯上古亭東瀛渺渺氣冥冥一泓自瀉
波濤白萬點微涵島嶼青積水空濛朝霽壑亂
山迴合擁雲屏清風浮動霓車影待喚紅鸞振
羽翎

古寺

偶欵松關到雀離苔花蝕盡至元碑齋壇晝閉
陰雲合夜壑風開鬼火吹或見虎倭驅部落時
聞梵妓舞軒墀萬方凋悴威光滅徒倚仁祠黯

自悲

薄暮望徐州諸山

日在西山第五峰斷雲奔樹護山容巖邊積氣
知巢鶴洞口餘寒應伏龍指顧中原橫要害紆
迴大澤鎖隄封獨憐戲馬臺邊水不為彭城奠
鼓鐘

宿板罾口

荒祠暮鼓報黃昏野店收帘半掩門海口月生
潮欲上津頭風起水初渾幽知宿鷺拳空渚靜
聽冥鴻度遠村便當山居人事絕誅茅釀黍卽

東屯

宿天津夜分大風

鯉魚風起作嚴寒吹枕翻空悵被單此夜鮫人
增涕淚異時龍伯盛衣冠怒濤應打天妃廟決
口還衝無祀壇遙聽隔河頻野哭篷牕暗起帶
愁看

泊楊柳青夜立廣野中

沙村柝響肅嚴更上將星昏野將明無數光芒
臨水動有時陰火送潮生枯楊暗嘯黎丘鬼短
劍誰銷濩澤兵搔首踟躕懷往昔何人投幘壞

長城

風行至南陽湖

寒飈作意送征航蘆荻森森叫鵠鷓遶岸平山
趨斷隴連空野水入洪荒蒲帆橫側沿汀出茅
舍參差隔浦藏百里魚蝦都會地土風應自賤
農桑

次梁王城

屬邳州

一丘突兀草萋萋競指荒垣沒舊題人代謬傳
秦歲月隄封曾是漢山谿故宮禾黍寒刁斗野
麓荆榛斷鼓鞶四壘健兒今銳甚眼前龜鑿在

膠西

時膠州
兵變

秋日登晴川閣

飛閣凌虛抱漢城危磯絕壁枕江聲風烟浩蕩
蛟龍舞雲樹參差鴈鷺橫鐵鎖穴深垂斷縷桃
花祠廢冷銀箏洪濤噴薄無今古尚似英雄氣
未平

黃鶴樓望大江

大澤風高更倚欄江山如畫帶愁看西連庸蜀
烽烟直北枕滄溟海氣寒廟社有時歸草昧乾
坤何處不波瀾徘徊試取柯亭笛吹落梅花滿

玉壇

由來鶴橋登樓觀趵突泉

薰風送客度虹橋直上丹樓倚碧霄清沼參差
看玉練方塘洶湧聽星潮橫飛千樹衝波起倒
噴三花作雨飄應有潛蛟吹地籟齊烟九點寄
扶搖

檻外金沙玉蘂繁誰開海眼任瀾翻伏流千里
來王屋直走三河貫濟源嫋嫋竹聲鳴隔院翩
翩鶴影舞前軒褰裳何事扶桑去暫入靈區意
已騫

回風磯

長年憎去楫賈客怨回風不分乾坤意悠悠盡
向東

三江口

江戎分襟帶關梁隱旆旌綠林饒俠客白舫半
新兵

圍定堡

傍山作壘借山圍堡子高樓鳥亂飛澤潞兵戈
今暫偃將軍馬上帶麈歸

釀泉

立馬聽泉日已斜泉聲字字咽梅花春寒不啻
遊人醉流到城南賣酒家

鵝兒湖

垂楊裊裊放游絲少婦花鈿步屨遲正是淮南
櫻筍日相邀同賽女郎祠

紀映鍾

伯紫顛叟江南江寧人
真冷堂詩稿

城邊路

城邊路歌舞處十年變為墓十年犁為田十年
成淺渡

渡黃河

黃河接東海道路遠且長白楊風蕭蕭吹彼落日荒孤城蘆荻中四顧徒皇皇病馬嘶寒烟老烏立平岡中歲勦于役筋力匪故嘗捨鞍復望楫意緒如亡羊睠矚無匹儔觸懷多盡傷魚鹽藏聖士販繒亦侯王英雄皆瓦注感此悲浪浪

望東澁山

海澁有澤民蛤牆荻作屋斤鹵汲為泉飯蠟不待熟張網向潮頭日夕水中宿蟹蚌如泥沙壑醢實巨斛瀘剝無停時棄甲量以谷腥風被廣野炎氣殺草木此獨非羣生不為昊天鞠峰頂

真人居含慈萬靈育嘉卉攝諸山甘乳流四麓坐卧雲霞中屏絕風塵熇咫尺天人殊龍蛇劇走陸

月夜渡東溟

微風生南垓榜人擊楫呼起看天海淨夜氣縱橫舒魚龍寂無聲朗月炳中樞混茫太古接蕩滌鬚眉俱羣山勢奔奏巨星倏有無大哉天地力送我塵梗軀

學圃歌贈鄧孝威

我為東湖樵子學南山圃相逢大道傍雪涕問

勞苦我逢冬青樹再拜不敢斧子有東陵瓜屢
潰深秋雨生事尚饑寒吟詩坐蒿堵

將相談兵歌題蔡懷真畫冊

相公面白美鬚眉將軍銳頭虎豹姿繩牀對坐
不聞語意態環屬無支離相公者誰吳橋公將
軍姓名曰蔡忠相公昔為帝藩翰豫州建節羅
英雄將軍幕下稱乳水受命勤王事可紀鐵騎
長安匝數圍纖羽無聲神鬼死將軍改裝為乞
兒蕭蕭撼撼穿營壘飛表縋城達九重外內情
徹方從容往來報命十餘日相公喜色開眉峰

睢陽自重南霽雲淮陰再拜廣武君蔡忠有功
在社稷黃金茅土何足云一忤權貴龍在野再
遭國難雞為羣奈過五十猛氣在王翦既老稱
冠軍我訪將軍齊化門將軍留我啟壺樽蟹羹
魚炙行日夕高談話昔情逾敦古來將相如風
雨當時則聞過則已崇禎天子十七年揆席頻
翻如易屣吳橋清節百世師將軍未見三遺矢
且加餐飯我作歌將相談兵非故紙

報國寺雙松歌

落落何朝十二松兩松怪誕難為容求之骨貌

意已失尚想天外超忽雙雲峰白日當空集風
雨紫氣盤蓋藏芙蓉一日一看一奇特百步之
餘尤荒惑或言此松似石鼓冰苔蝕籀缺釵股
或言此松類神駿蘭筋決滅秋霄迅或言此松
其太古無懷氏之民邊幅裂盡存吾真偃僂錯
愕任笑嗔不知堪巖與朝市頽然放足三千春

秦楚阮

秦阮儒焚詩書六經在天地俱項阮卒幾十萬
留英雄助炎漢丈夫殺人貴有氣陰謀安得思
長世朗如皎日行中天真人自有真胸臆笑兩

君營兩阮何曾阮得當時人悽悽鬼語秋燐下
一阮鮑魚一驢馬

偏頭關

偏頭接寧武降伏地形竒隔水收河套攢峰固
女陣飽騰超距士佻捷射雕兒三晉資屏蔽曾
輕十萬師

兵至

閩中舊作

重陰淒白晝天地振軍聲刁斗嚴滄海風雲拔
大營兵儲千里餽鬼哭四郊清顛顛傭書老天
涯任轉萍

蜡索催殘令蚩尤卷夕曛萬金供一日六府竭
三軍馬踏芝城碎船燒柘浦煜關門宵不閉大
吏候江濱
糜爛方完額軍書趨借徵呼啼通比屋髡薙淨
丘陵愛養天心嗇誅求吏牘能深山猶伏莽多
壘不堪增

三山秋興

日暮山烟合秋高鴈路微孤村臨水出野渡過
人稀大地歌黃鳥浮雲改白衣海門吟望遠片
雨掠潮飛

閩王營土宇封域阻重關行省前朝殿層樓鎮
海山池隍藏厭勝興廢亦循環眺覽情無極斜
陽下浦灣

曹縣送陳宗來

同作蒹葭客蕭然河上秋送君歸故里大火正
西流匹馬循秦嶧離人集楚丘依依城畔柳欲
去更淹留

鴈門關

太原城北路直與鴈門連秦月秋鳴鏑并人夜
控弦地圖經百戰山勢鎖三邊西望銷兵久淒

其弔阪泉

太原雨夜

并州連夜雨秋水漲汾河萬嶺交陰氣孤城俯
白波鄉心驚簷策驛使阻盤陀霜令邊庭早清
商入浩歌

邊城七夕雨

天末逢佳夕羈人傍五臺明河埋古塞積雨發
秋雷白鴈雲中到黃流口外來傷心身世迥霜
雪滿頭催

漢光武生處

銅馬懸弧日昭陽滅火秋蹶興同草澤神胄自
炎劉雪恥宗尤烈膺圖道用柔迢迢豐沛地衣
帶接黃流

登太行絕頂

西來雲氣接崑崙匹馬登臨絕頂尊蹶起雄為
天下脊巋然恒作晉陽門沁流一道穿河水上
黨孤城俯太原迴首武靈戎服地暮烟荒堡自
朝昏

史遠公以黃山遊記見示奉答

君從湯口尋山去直入千峰與萬峰纔有路時

三磻雪絕無人處一聲鐘雲綿忽漫藏丹竈瀑
布長懸濺白松披寫幽竒隨意出却疑拄杖是
蒼龍

送郭臯旭之大梁

吹蓬燕山風月清朱家樽酒惜離情火流七夕
秋初到客去三河鴈有聲逆旅埽除迎郭泰監
門慷慨問侯生此行應有梁園賦沙草萋萋繞
故城

送吳長文出塞

憶昔相逢獲澤頭太行東阻白雲秋孤城上黨

砧初動竒士南皮轍尚留廿載再看顏色好餘
生強半別離愁輸君結束情偏健又着黃衫跨
紫騮

送何偶圃遊西陵

長安同看苦寒月忽作天南萬里行全楚軍書
聞罷戰西陵巖石愛題名袁宏草檄才無敵王
粲依人意未平知爾有懷向三峽不堪更聽暮
猿聲

送古古還沛

不為蹈海不封留剩水殘山躡屩游自此虞翻

思弔客誰從唐舉問方州有年載輯詩中史無
屋將牽岸上舟破硯團椶生事了蕭蕭春雨碧
湖頭

古古貽贈三詩次答

魚服羊裘兩不猜停雲日傍讀書臺山川錦里
題橋徧門巷糟丘荷鍾來鶴愛引經能久眎龍
稱無首是真才一庭積素同埋照遙對垂楊覆
水隈

登報恩寺浮屠

摩盪剛風鳥度艱雲雷只在半中間前王丕烈

方神鼎古佛幽燈照鐵山門戶洞開秋鐸曉晶
靈游戲夜珠還流沙萬里車書絕獨有神光舞
百蠻

次韻贈鄧孝威

荒途渺渺友聲求文舉曾知有豫州屠狗可憐
長結客爛羊終日聽封侯如銜石闕難為語屢
卸金貂不破愁六代風流誰可續好吹鐵笛到
江頭

真定大悲菩薩高七十三尺稽首頌之
欲向乾坤問典型碩人西竺美難形陰陽作炭

無鑪鑄定慧為光掩日星
滹水遠圍衣帶白常
山朝接髻螺青曾聞頂首真空義
廣樂鈞天向下聽

從軍行

十六出榆關五十猶荷戈
行臨李廣祠揮淚長
悲歌

驚沙白日昏秋雲壓城堡
飛犬逐黃羊血灑荒
原草

羌管晝淒淒牙旗風獵獵
醉枕芙蓉刀懶擁桃
花頰

九射俱穿鵠再發射雙鷄
策馬傍無人獨向沙
場笑

寓目

海風吹斷雲新月一鈎
早廢堡無居人野鼠動
秋草

被九堂夜集和送閻古古

錦帳珠懸四角平玉童吹徹紫鸞笙
花前酒進清平曲中有陽關變徵聲

刺過茅臞客不寐草堂

石橋流水澹溶溶為訪高人日下春
庭戶詩書

有真氣似曾相見郭林宗

陳瑚

言夏確菴江南太倉人

贈吳興公

我非陳孟公君乃吳季子千金重一諾結交有
終始仗劍作遠遊欲為報讐死惜哉不遇時長
歎歸故里其事雖不成其名滿人耳

昔年良宴會乃在東岡坡朱華媚清池綠樹垂
修蘿酒酣雙耳熱四座起高歌別來忽如雨歲
月傷人多逝水無迴瀾落花難上柯明燈照孤
影短鬢空婆婆

擬邀文介石住尉遲廟

寒風獵獵送斜暉雪滿頭顱淚滿衣六詔山川
歸夢遠三湘烽火客程非吟殘丹葉空留恨讀
遍青鳥未療飢我有寒潭依古廟不妨老此竟
忘歸

春日

春上清溪水復開山村烟景若為催枝頭有鳥
窺虛牖門外無人掃落梅餉米一蓑衝雪去市
魚孤棹帶花回久知學道能忘世只恐猶添萬
恨來

次韻孫子長歲莫雜述十首 選一

無錢羞澀笑空羸木葉同于病骨輕白水未通
千里夢青山徒負十年情故侯甲第荒苔遍義
士沙場宿草生短劍賣來還買犢鹿門判得老
躬耕

次韻劉文成夏日雜興四首 選三

綠波渺渺暗荒郊日與忘情草木交蘆葉一灣
圍鷺宅蓮花千歲老龜巢移牀就樹雲為枕倚
竹懷人月滿梢不用勞勞叩詹尹十年前已決
誅茆

采蓮新社傲天池物外同心學道宜止酒久慙
根矩介盜牛差畏彥方知一潭雲淨波生處十
里香來月上時我欲忘眠客忘去幾回潦倒碧
筒絲

扶疎薜荔當籬垣颺母風吹雨打門碧浪似雲
翻白晝青燈如夢照黃昏兵戈未定書巢破烟
火才通土銍存今日落花誰作主却令銷盡黯
然魂

襄陽道中

水綠沙明古大堤漸漸麥秀草萋萋斜風虎踞

中林石密雨猿號夾路泥入市盡驚紅叱撥攔
街誰唱白銅鞮漢濱日暮無游女鼓角聲中氣
慘悽

揚州感興

亂餘無夢度維揚此日重遊淚數行鼓角一城
空鳥雀風沙千隊散牛羊笙歌院落橫樵徑燈
火樓臺作戰場蕭瑟祇應前代柳顰眉含怨倚
斜陽

獻寇破武昌令數十人舁乘輿輿楚王
而投諸江城中二十萬戶其屠戮不

盡者皆驅而沈之

楚王宮殿化為塵龍種銷殘問水濱豈是膠舟
沈共主却同魚腹葬騷人竹斑重染湘娥淚鵑
血長啼望帝春見說從君十萬戶夜深風雨哭
青燐

李映碧廷尉遺地圖仍用前奉懷韻

圖畫山川感慨多邊陲風景近如何入關無復
蕭丞相聚米空思馬伏波兩界一江橫似線九
州五嶽小于螺錯疑留守魂歸夜風雨聲聲喚
渡河

通暉樓詩為松陵沈建芳作

危樓百尺五湖東
亂後天涯極目同
宛馬曉嘶芳草路
杜鵑春恨落花風
有無人物菰蘆裏
多少山川鼓角中
解道仲宣工作賦
愁來閒倚夕陽紅

同虹友遜兒夜話用放翁初冬韻

疎幕迴飈動月光
皎于白日冷于霜
蕉吹敗葉頻疑雨
菊倚寒枝尚抱香
愁聽亂離烽火逼
細論人物酒杯長
桐江釣客吳門尉
不遇真人髮已黃

山中喜遇昭法飲我以酒卽席漫賦

一夜寒香萬樹開
相逢花下且銜杯
窮途兄弟難成醉
故國風烟易入哀
雪滿山中蘇武窖
月明江上謝翱臺
寸心不盡斜陽晚
溼遍青衫首重回

贈徐次洲

山色花香併一樓
潺潺清澗到門流
尚平已謝

塵中累

次洲五子六孫年未四十婚嫁已了

陶峴宜為物外遊
夜雨遠

聞鄰寺磬春星光照故人裘

與昭法交稱莫逆

宅年高士

重書傳好寄青芝徐次洲

所見

萬戶千門一炬焦
燕棲林木雨瀟瀟
藏春草暗先生塢
丁卯烟寒刺史橋
古寺啼烏新鬼哭
空城走馬健兒驕
舞雞擊楫都成夢
搔首江頭看落潮

千人石

盤龍墮馬蹴香塵
載酒判花坐月頻
春去秋來一片石
朱顏看作白頭人

王玄度

尊素江南歙縣人

平山堂看荷花

雲水無消歇
平堤尚芟荷
棹歌隨意注
鳥語不能多
山遠迷秦望
天低近汨羅
老僧如舊燕
補屋又來過

入巖關

天險因時設
居然百二同
六師方出牧
一旅謾言功
草木愁烟裏
車徒楚雨中
茫茫孤戍意
不敢泣途窮

閒中咏菊和遠菴禪師韻

仙掌峰前盡布金
不煩籬畔遍追尋
自從一出桃源後
碧嶠澄溪九曲心

武夷諸峰秋來菊花垂遍

宗元豫

子發江南江都籍興化人
澤畔吟

遊齊山

羈客苦塵鞅繁憂紛然集振衣事遊覽逸侶欣
相值攜手出城闕逍遙越阡陌雙樹啟禪扉曠
焉快心目遶檻千頃波浩渺浸天碧鴈影落寒
空澹澹與波沒亭臺散若綺榆柳紛如織既窮
臨水興復命尋山屐阜巒望若近遙遙邈難卽
微茫披荆榛藉草復屢息崎嶇造峰頂悠然出
塵域仰觀層雲興俯臨萬象逼楓林半欲丹湖
光遠逾白精舍倚山開蒼蒼一徑入空谷靜無

語然燈晝常寂煮茗汲新澗蔭松憇古石機忘
魚鳥親慮澹物我適愉悅不知疲嘯歌竟日夕

憶昔行寄陳確菴

憶昔君為廣陵客邂逅論交稱莫逆尊酒相要
藉草遊河山俯仰傷今昔君方行李客他鄉予
也扁舟辭故國常開卷帙想精神每從梁月疑
顏色江天搔首路漫漫欲往從之阻且難南鴻
北鴈紛來往聊題短牘勸加餐聞君書劍下荆
州鄂渚風烟亂素秋仲宣重見登樓作賈誼還
添弔屈愁肅皇龍飛走楚甸佳氣葱葱五雲見

天子南巡歌大風羣公玉帛趨行殿御道當年
警蹕嚴紫禁重來芳草遍風光仍似舊人物已
疑非到處登臨腸欲斷每逢戎馬淚沾衣遊子
思親返故鄉承歡彩服侍高堂白白江魚供夕
饌翩翩詞賦滿歸囊嗟予搖落掩柴扉三徑蓬
蒿賓從稀若問春來何所作日暮荒郊採蕨薇

七夕集曉榭

逃暑偏宜竹觀雲更有臺雙星天上會二妙日
南來閩中二客適至露逼楓林老涼催菊蕊開白頭甘抱
拙那望鵲橋迴

吳子樸北遊

留君不可住惜別強登樓塞上征鴻動淮南落
木秋烟消野水闊日照亂峰稠想到燕山後應
添弔古愁

早春送李季子南遊

千里征帆繫柳陰一尊高閣共披襟雲山正好
來新句春月初明別故林去路清風聽畫角懷
人永夜奏瑤琴江南別日梅花放珍重歸鴻寄
好音

朱爾邁

人遠浙江海寧人

遺民詩十一
卓烈婦

前指揮卓煥妻錢氏乙酉揚州郡城陷先一日投水死從死者長幼七人哀而賦之

黑雲壓城城欲摧北風吹折瓊花飛揚州乙酉
遭屠戮卓氏貞魂至今哭將軍已降丞相死一
家八口齊赴水池中土作殷紅色血漬波痕轉
逾碧何時流恨到東海門外長江終不改

魏世傑

興士江西寧都人孝子

偶興

獨立清風過蒼崖百丈懸長林帶落日高柳動
晴川山鳥如相識巖花已不言歸來懸木榻小
月滿前川

山閣贈涂雲石

直到翠微住山樓日日陰桃花天半落春樹雨
中深兩夜分寒榻三年共此心與君還幾日攜
手下高岑

時將與雲石同過新城

庚子三月雨夜同家叔父就楊典穆話
淨土禪寺止宿

襆被同蕭寺清談鄙竹林已為當世寶無異入
山深春雨鳴塘水寒燈照客心居鄰荷蕢者擊
磬有知音

宿金精洞

丹壁髮垂青千年長不櫛海棠石上花風落亂
如雪

方兆曾

沂夢省齋江南歙縣人

大宛馬

漢武帝命李廣利為貳師將軍伐宛
取善馬發兵六萬人還者止萬餘焉
大宛馬產自西北道生不食漢家邊塞草脫馬
驕嘶其迹如埽流沙萬里漫漫浩浩不知誰使
者進言善馬乃在貳師城天子聞之而甘心前
遣壯士持金以行宛不肯與即興甲兵道遠多

乏食士卒饑以還天子使使遮入玉門關毋令
外國輕漢馬不得至師不得班更大發邊以求
善馬師六萬人臨其城下宛人而大懼遂誅王
母寡母寡宛王名因獻其牝牡惟漢取舍蒲萄苜蓿離
宮別觀秋當熟時紛紛苑囿皆駛騃天子臨軒
親指麾念不忍駕鼓車獨乘千里又無所之惟
有嗟歎稱絕竒馬未至人莫歸馬將至人已稀
人死沙漠馬來中國

長平坑

白起為秦將坑殺趙降卒四十萬人

于長平止遺其小者二百四十人計
起生平所誅不下百萬真忍人哉

趙人新困長平中角聲無力吹寒風秦人四繞
長平下叶強弩穿營晝如雨秦軍日盛趙益乏
糧道重遮山路狹裹創突陣餒難支土竈添薪
煮生甲投戈乞命還紛紛不知中有武安君將
軍白眼舊已聞刈人刈草殊不分寒沙千尺秋
原濕一時降卒坑俱入陰霧號風不見天冤魂
夜抱弓刀泣嗚呼廉頗已代趙括來論兵太易
誠可摧殺身取敗括則已一舉屠之忍哉起咸

陽門外將誰怨引頸猶嫌劍鋒鈍生前數孽應
自知不獨長平四十萬

國士歎

譏豫讓也讓初事范中行氏智伯滅
之不能死反欲為智氏報讐此匹夫
之所羞寧義士乎

嗟君昔事范中行冷眼坐見中行亡今君又事
智伯氏慷慨甘為智伯死人臣死義不死恩衆
人國士何當論捐軀必用酬厚遇草茅何事招
忠魂持衣三躍劍空擊漆身吞炭為誰賊地下

羞逢舊主人，賴得相看不相識。

李長祚

延初江南興化人，句容籍。

對嶺上人奉母居山，致書友人乞詩為

壽

伊蒲同菽水，清淨奉慈親。白髮舒真果，青山得
隱人。珠從七歲獻，花見百年春。忠孝難全事，為
僧備一身。

竹西歌吹詞

竹西南畔是山光，松柏青青似北邙。草沒荒丘
丘下骨，昔年亭上奏笙簧。

葉彌廣

博之江南江都人

雨中清明

昨宵氣暖疑蒸雨，況是清明豈易晴。風俗久虛
傳火事，郊原又負踏青行。酒家花底誰開壺，舟
子堤頭自聽鶯。縱使遊人難出郭，也教歌吹滿
蕪城。

顧苓

云美江南吳縣人，塔影園稿。

三月晦日過鄰家，見牡丹花盡落有感。

題壁

經旬不出戶，春去杳無迹。偶爾造山家，紅香坐

狼籍端然國色艷委棄風雨夕空餘蝴蝶飛徒
見莓苔積始知春易盡韶光真過客悠悠會百
年白髮誰憐惜

徐

崧

松之臞菴江南吳江人
頌林集選持風百城烟水

橫雲山訪遯本開士不值題寄嘯壁

倚棹秋林下青山一片橫入門驚壁立隔澗少
人行松竹交加綠烟雲斷續生竒峰能引我不
必有逢迎

冬日同晉賢渡吳淞江

時新開尚
未築閘

久患吳淞塞新開故道通岸高黃帶日波冷碧

隨風荇藻生舟底鳧鷖入鏡中具區從此注安
得濬垂虹

同周青士過海寧訪許潛飛因留宿真

相寺

村居方卜築盡醉復同遊竹裏僧歸寺天涯客
上樓鴈飛秋水落鐘響夕陽收相識憑玄度禪
燈一榻幽

吳門過曾庭聞有懷潘江如

聲名知益盛問訊孰為通念載存亡異無家遠
近同樹疎寒野白雲盡曉天紅猶憶題詩處京

江似夢中

徐士俊

野君浙江錢塘人

采蓮曲

南風語我蓮房起姊妹心情入芳水買得溪頭
擘棹船儂橫一寸波姊露雙行纏順風吹去芙
蓉烟下有淶水清且連紅裙短袖何嫣然越溪
女兒花底眠寶釵翠滑墮深淵風鬟裊裊若絲
牽荷葉覆人避嬌顏采蓮采蓮風景好見家莫
便迴船早十里沿溪恣幽討水珮無聲沉瑪瑙
江南采蓮江北剝棗蓮正開棗未熟翡翠鷓鴣

相對浴為儂翻作采蓮曲

陳

周

二遊江南漂陽人

宿張漢畝齋中

不問春城處處花求書三篋到君家癡名未穩
床頭易丰采如瞻天半霞敢為他山原有約其
如白璧竟無瑕頻驚世事難搔首好付清談共
月華

趙述先

容菴江南上元人

無題

鵬飛萬里去回顧江山小誰知天外人猶歎籠

中鳥萬里去回... 山人...

李衡 杜若江南江都人

初伏同諸子訪槃叟即事

無鄰江上寺來與故人期暑退因山雨閒來有
墨池摘瓜充客饌牽棘補園籬竟日此中趣都
歸一局棋

李長盛 傳叔句容籍興化人

過史公墓

途過丞相墓再拜想儀型正氣經天地孤忠貫
日星野人常墮淚國史有遺馨千載蕪城下森

森松栢青

是名 凡夫江南常州人

夜飲鄰家樓頭贈蔡憲宜

不謂驩然酒共持燈前傾倒半酣時悠悠面有
三年識落落心從今夜知星近高樓看欲動鐘
敲野寺聽猶遲與君臭味忻初合此處傍人未
許窺

孫默 無言桴菴江南休寧人
留松閣詩

白鹿泉

探泉緣古逕破壁賸僧寮亂草香空澗孤梅倒

石橋臨流延落日倚杖看青霄歸路渾忘却翻
因羨寂寥

寄梁公狄

遂作經年別何繇見所思射湖門外遶秋柳月
中垂萬井苔荒日孤城鬼哭時鴈南應有寄聊
以慰調飢

舟泊富春

乍分吳越路風雨泊江門城背青帘出山容白
浪昏野烟紛草樹人語亂雞豚垂釣今何在星
文照旅魂

寄懷梁公狄

何處秋聲到草廬一庭落月渺愁予風塵孫楚
難為客杵臼梁鴻好著書盡室南遊終汗漫側
身北望總丘墟乾坤去住渾無定且向湖濱學
釣魚

查士標

二瞻梅壑江南休寧人

雪後同方寶臣張諧石遊北固

僻性從來厭市闌投閒山寺歲將殘一時霽色
千峰曉萬里寒江兩眼寬

同諧石登金山妙高臺

十年來往金山寺覽勝時時到上頭月滿孤臺
天不夜風吹古樹候常秋

王崇謙 咸吉江南儀真人

古松

不借春為色孤惟與鶴羣虬潛臨水見籟發自
天聞撫爾忘斑鬢同予卧白雲前山看衆木秋
至落紛紛

徐開任 再見

詠史三十首 選八

吾愛張處虛卓犖有深見時危不應碎誰知非

獨善帶索說張温掉舌如流電宦豎得早除寧
召羌戎變一人計不行遂使羣雄戰誤國有餘
辜殺身何足怨

陸賈善因時神閒識亦慎樂生似韜光獻策非
媒進誅呂不居功安劉無後釁置身將相間安
危可靜鎮天下有心人社稷彈指定堪笑樓君
卿侯鯖徒自潤

李勣斗筭人承旨立武墾淫牝既司晨唐室遂
不造幸有蓋愆孫昌義告九廟云何魏元忠不
思匡復報黨逆屠忠良斌媚轉克暴偉哉頽陰

侯連齊策誠要

徐市避秦虐駕言泛仙槎樓船載童女浮海以
為家蜃臺起都邑鮫室藝桑麻何必黃金闕始
為世主誇一去渤海中千載隔塵沙翻笑商山
叟無計作生涯

春秋明大義處變各有則天王書出居諸侯死
社稷玄宗避燕寇西蜀且駐驛前星克幹蠱舊
物竟不失靖康不知權舉族淪異域空令百世
下痛恨于謀國

李廣飛將軍小忿誅醉尉是知功不成不獨殺

降累淮陰誠國士辱已得無伎安國亦長者卒
善遇獄吏度量固相縣有容乃為貴

漢廷有遺直淮南寔反謀蜀主相卧龍懿蒙巾
幘羞國勢無強弱得賢重山丘可憐宋文帝竟
殺檀江州長城忍自壞六郡遂處劉至今過建
業愁聽白符鳩

丈夫何所貴所貴在堅忍一為俗情牽聲名從
此隕馬融辭鄧氏始志亦寧靜遇困不自持終
以豪侈逞盧植侍其旁目中已灰冷卒抗董卓
威節與天壤炳視彼草奏人未可同車並聲色

能移情何況兵在頸

送仲兄司理邵陵

麥秋四月南風起送兄迢迢渡潯水此地新經
烽火來萬井蕭條生荆杞憶昔邵陵全盛時桐
封愛子萬年枝宮中爭唱銅鞮曲陌上時吟估
客詞一朝物換人亦改岷王宮闕無復在北渚
新愁落照中蒼梧舊恨秋雲外執手相看杯酒
前離魂嘗傍洞庭船驚猿帶雨啼寒夜征馬追
風踏暮天丈夫不灑離別淚天涯知己若同氣
此行莫負桃源心洞中雞犬與時異

劉道開

再見

白帝城歌

白帝城古人築今人增古人築之今險不可升
今人增之今賊來便焚噫歎歎乎人有古今兮
城有古今

疇昔

疇昔干戈裏飄零剩此身一生九死客兩代六
朝人路未通新朔歸應少舊鄰銓山與字水回
首一傷神

宿栢林驛

古殿臨官道淒涼落日斜山荒多虎迹驛廢少
人家昔駐君王蹕今開野草花珍收殘瓦片製
硯亦堪誇

華陰萬壽閣望嶽

危樓新雨過凭眺亦奇哉迭見三峰出遙知十
丈開關收山勢斷河抱水聲來搔首茅龍客深
慚渾俗埃

岳廟

君臣無意復輿圖唾手燕雲豈廟謨才過張韓
天若忌心同龍比主難孚金戈鐵馬公生氣綠

水青山宋舊都畫舫不須經廟下忠魂最恨是
西湖

張養重

再見

楓嶺道中

朝行浦城野午入江山境嚴霜冒蒼林旭日明
丹嶺夾道雙厓合絕磴羣峰挺俯視不測谿森
然毛骨凜流水瀉琴瑟幽響送清冷老松振高
吹修竹搖寒影含梅任鳥啄殘果待猿領石氣
着丹青谷音傳欬聲步履行復遲耳目喧逾靜
明知前路遙移情戀佳景

春懷雜詠

鷓鴣尚有巢一枝自安處鴻鵠志四方往來無
定所懷才餓他鄉不如太倉鼠我貧莫汝匡何
用此朋侶
步出城西門悵望北村柳長條昔冉冉摧折難
獨守春色付水流盡向泥沙朽何處有黃鸝消
此尊中酒

雨中黃大宗設蔬茗邀南菴山亭看梅

同湘草達士

新水平厓四五尺滿山春雨愁花濕水邊亭子

面迎花看花人起當牕立低垂弱柳麴塵新沉
沉烟霧黃鸝澀茶聲暫歇雨霏微登山路仄攀
條入驚動山間鳥雀飛踏花翻落露僧壁

雨中重過釣臺

再訪先生欲見難空江風雨逼人寒白雲中斷
千峰樹碧漲新添七里灘只有陰晴隨箬笠從
無興廢到漁竿回頭前日登臨地烟滿雙臺何
處看

登湖口城樓

山上孤城城上樓人家高住在山頭參天老樹

千行直匝地長江萬里流石徑盤蛇披草入梨
花飛雪亂春愁東風不阻人南去日日江邊送
客舟

丘曙戒招同鄭掌和龔半千孫豹人陳

伯璣朱秋厓黃甫及紅橋泛舟限韻

揚州雪後夕停橈載酒紅闌廿四橋十里楊枝
何日盡六朝山色隔江遙夢迷玉蕊花間路坐
聽雷塘月下簫祝送瓊州舊司馬青衫愁殺可
憐宵

姑蘇懷古

停舟閭闔與雲齊花發晴江鳥亂啼山上館娃
宮曲折道旁烈士塚高低春風舊苑遊麋鹿夜
雨荒臺哭水犀興廢吳儂渾不解日邀歌舞出
城西

白鴿寨登岸至雷州

鴿寨村烟入海流登厓千里見雷州從來瘴癘
難開眼到此乾坤欲盡頭戰後荒城屯鐵馬燒
殘斷壁長浮丘漢尸雜處原無患滿目瘡痍實
可憂

江上觀曙戒季貞別

潤州城外鼓聲殘流水濺濺下急灘萬里弟兄
江上別三山花鳥淚邊看春燈何故光先短明
月無心影自寒我亦此中離思客望鄉情倍對
君難

晚次電白縣

箐連蠻崗愁深入南服天開電白城溪漲碧流
新雨過山歌粉堞夕陽明客來海國迷烟瘴人
習彝風樂戰耕莫道此方多險惡雷州傳說又
移兵

談長益 再見

椎鐵漢

鄰有椎鐵漢日夜苦不休汝歌自爲適吾恐鐵
生愁短勿製刀劍長不爲戈矛徒琢五寸釘釘
人棺四周椎鐵鐵有聲其聲似不平終焉沈沒
死不得錚錚鳴

鄒之麟 再見

題畫

顛放迂疎共一身朝朝染翰墨華新江山雖是
無情物寫到荒涼亦苦心

趙庶先 再見

蟄雷書院

霜風一夜收天氣百萬雷霆守地中神物不藏
功不大飢寒磨盡古英雄

八大山人 江西人

題畫

郭家皴法雲頭小董老麻皮樹上多想見時人
解圖畫一峰還寫宋山河

王弘撰

無異山史陝西華陰人
待菴稿鹿馬山人集

病中對雨

何處可逃俗茅齋媿未能百年身是客昨夜夢

為僧細雨休羣雀高檐敞一燈囊空無藥物不
覺病朝增

淵明雖有子穎士已無僮不盡升沉理都歸造
化功平疇今日事白眼古人風泥水還堪數何
時射獵同

雨中感懷

兵火息還未蕭齋奈老何野雲高綴樹急雨暮
翻荷病久琴書好愁深魑魅多百川東去盡誰
與問明河

咏松

孫楚庭前有異姿婆娑已見老虬枝他年會使
凌霄漢祇許山中宰相知

徐夜

東癡元名元善長公山東新城人

季夏西山

結屋此山間柿陰濃晝暑雲從巖際來向我牕
中佇北上最高峰下瞰臨何許愛彼南澗松去
濯清泠渚時來石上坐月下聞樵語風雨澗香
過石田響禾黍

雪後西山卽目

抱暖驅堅徑聲連千里白練水縛地骨寒落石

林瘠睛眵歸衆曜遠明表微僻凍漲冰葉散風
洲霰紋積勁草創堅立溪翎登岸躑陵壑坦殊
貌羣峰態轉益陡巘未云青潛漸結負石淞流
解屢合風日爭向夕當險值歸樵聳肩避塵客

岱頂遇雪

決背天外青成石來足下靈氣迴超忽不敢言
登假世界尚昏蒙山水何爲者最高猶雨雪凌
晨自飛灑

枯桐引

枯桐向雨泣感恩不及曙貞心不可餐昨夜鳳

皇去秋風為誰來落葉無尋處獨有爨下聲一
獲中郎譽

秋宵古意

秋風蕭蕭如有情秋月皎皎如有聲珠薄玉曼
閑鈎輕幃羅花皺欹枕橫虛空無人影獨驚欲
眠不眠嗟未平輓轡井上雙桐生有意其中不
可明

九日得顧寧人書約遊黃山

故國千年恨他鄉九日心山陵餘涕淚風雨罷
登臨異縣傳書遠經時怨別深陶潛籬下意誰

復繼高吟

坐放鶴亭

巋然一嶼水迴環想見高風物外閑墓上梅開
春又老亭邊鶴去客空還書無禪草逢當世祠
有賢名擅此山買斷西湖皆宋土羨他生死太
平間

富春山中弔謝臯羽

晞髮吟成未了身可憐無地著斯人生為信國
流離客死結嚴陵寂寞鄰疑向西臺猶慟哭思
當南宋合酸辛我來憑弔荒山曲朱鳥魂歸若

有神

再題阮亭秋柳詩卷

聞道明湖集勝流相從客館似忘憂一時感遇
垂條木千里驚逢落鴈秋詩寫白門何句好賦
憐王粲使心惆誰人愛唱清江曲春月為姿亦
漫愁

阮亭好詠劉采春清江一曲柳千條絕句

吳紹奇

淑甫雲間江南桐城人

移居

啼鶯出谷欲何歸壁立蕭然祇四圍一任題門
皆鳳字誰言居巷是烏衣雪殘荒圃新蔬少火

熟貧厨敗葉稀獨有蠹魚書數卷擁爐披對送
餘暉

楊大郁

炯伯鹿園江南江寧人

牕櫺新餽

冬餘樂事十九首選七

眼明見牕新最愛風月夜竹影時蕭蕭來結幽
人社

紙牕燈火

一燈耿青焰風雨何淒然中有無事人讀易終
殘年

敲冰煮茶

遺民詩二
一甌有妙悟無言雪舉舉斧冰澗谷中但聽松
風語

曲室小飲

小人不出門自笑天地窄醉裏一長歌吾生真
過客

斜陽看行人

役車苦未休行子疲歲晚野老立斜陽前途一
何遠

曝背朝眠

野人苦冬寒擁褐望朝旭心死南軒中采芝徒

局促

雪泥初霽

今日晴景佳杖策前村路路逢清冷人同看梅
花去

清明前四日同季水徙侯子山澹心靜

夫過藜霄道院至清涼山看花竟日

金陵城裏花如海二十里中錦繡鋪寒食清明
花下路半生行樂老頭顱

莫問蒙頭點白霜只看世事等黃梁封侯不敵
看花福特地尋花日日忙

江山佳處總難論春在林臯賴酒尊我被春風
久留戀桃源猶有晉時村
潭上高流不可期觀邊烟樹異當時新鶯啼向
遊人說王謝風流總不知

王玉機

許人居長葛

落梅

枝上為冰雪沾苔卽是塵東風休得意天地已
無春

胡虞逸

澹喜江南上元人

敲冰煮茶

和冬餘樂事十九首選六

煮冰如煮石潑茶如潑乳生香湛素瓷白鳳出
吞吐

曲室小飲

義酒集高談一斗亦可醉名香靜繞簾客去卽
假寐

衲僧夜話

寒夜對高僧醉禪如醉酒我以如是聞不貴相
擊培

雪打牕

清牕覺清夢不得遂高卧簇火煥新醅起嗅餅

梅坐

張冰絃

乾坤還太素寒谷律已回撫絃動操餘空香聞
早梅

擁鑪聽高年說過去枯榮

老生見不常善話灰寒事大壑鼓雷琴耳受松
風寄

倩補敝袍

廣冬餘樂事十七咏選五

層層犯風威便身取自適百結記歲年可當山
中曆

薄澣襦袴

潔癖具烟霞重澣衣大布何必熏妙香垢淨希
高素

向椿頭火

從不因入熱何難告爾寒木強諸炭婦相與慰
冬殘

護蘭

秋中已含秀編荆拒清霜俚人動真憐移盆就
匡牀

戴

易

再見

張印宣出其大母殉節傳示余乃李虬
峰所作因過訪之話及徐文靖公相
對泣下并屬其傳史相國事

人傳鈞黨名何遠事到蕪城訪欲真為語梅花
疑塚在可知水火共成仁


張蓋再見

客中送人歸鄉

雲沒青山頂風含白岸波離情秋更苦歸路雨
偏多小巷臨漳水荒林帶女蘿附書愁不達汝
到定相過

殷伯巖招同白函三郝元直苑西柳霍
亮雅申鳧盟劉資深集飲

屢宿陶潛宅今來得數公竹斜燈影外人醉雨
聲中老惜歡娛異交緣出處同病軀先就榻應
恕鹿皮翁



續通志

五十

